

Ny Valosoa sy hadihady

13 may 1972

Ny momba ny hetsiky ny mpianatra sy ny hetsi-bahoaka tamin'izany

50 taona lasa no nihetsika ny mpianatra teny amin'ny Universiten'Antananarivo, nitaky ny fanagasiana sy ny fampitovian-jo ny mpianatra malagasy sy vahiny, nandranto fianarana teto Madagasikara. Ho an'ny olompireneena efa naharaka ny toe-draharaham-pirenena tamin'izany fotoana izany dia nihevitra fa tsy ny fampiasana ny teny malagasy nentina nampianatra sy nampiasaina ny voambolana malagasy teo amin'ny fandrafetana ny bokin'ny taranja rehetra ihay no anisan'ny notakiana. Laraha-mahatadidy fa boky nampianarana sy programa tany Frantsa no narahaha nandritra ny Repoblika I. Vazaha teratany frantsay no maro tamin'ny mpampianatra sy ireo tomponandraikitra tany amin'ireo sekoly niankina tamin'ny fanjakana ambaratonga faharoa sy teny amin'ny Universite. Taoorian'ny tolona tamin'ny 1972 dia nantsoin'ny fitondran'ny Jeneral Ramanantsoa Gabriel niverina an-tanindrazana ireo mpianatra malagasy nianatra tany ivelany, nisolo toerana ireo mpampianatra vazaha. Niteraka olana ihany ny fanagasiana ny voambolana teo amin'ny mpianatra indrindra indrindra. Maimaimpoana ny fitsaboana teny amin'ireo hopitalim-panjakana rehetra ary tsy nanavakavaka ny mitsabao, ka tamin'ny fo feno fitiavana sy fanetren-tena no nandraisani'zy ireny ny marary. Teo amin'ny sehatra politika dia ny fitondrana frantsay no nibaiko teo amin'ny politikam-pitantanana ny firenena ary nisy ireo ministra teratany farantsay tao amin'ny governemanta. Tsy vitsy koa ny mpanolotsaina teknika frantsay tany amin'ny minisitera isan-tokony. Tsy maintsy nosoloina izy ireny ary nanendry teratany malagasy nandray ny toerany tamin'ny governemanta Ramanantsoa kanefa, hita taratra tamin'izany sahadys ny disadisa ara-politika teo amin'ny samy ministra ka azo ninoana fa nitarika ny fametrahama-pialan'ny Jeneral Ramanantsoa Gabriel teo amin'ny fitondrana ny Firenena. Teo amin'ny sehatra ny toekarena dia nanjaka-zaka tokoa ireo kaompania frantsay (Marseillaise, Lyonnaise,...) satria saika azy ireny daholo ny tany midadasika ary Malagasy no nampiasainy tamin'ny fameloma-maso izany. Nalain'ny fanjakana avokoa ireny tany ireny, ka nozaraina tamin'ny Malagasy ary toy izany koa ny orinasa nitantanana ny famokarana jiro sy rano (Electricité et Eau de Madagascar) ary ny nisaha ny fitaterana (Chemin de Fer de Madagascar). Raha nahafehy tsara ny fitantanana ireny orinasa nagasiana ireny ny mpitondra taorian'ny tolona

1972 dia ho nandroso tokoa ity Firenena ity. Niaranan'ny taranaka Malagasy niaina tamin'ny Repoblika I mantsy fa tena tsy nanana olana izy ireny, fa ampy ary nanan'amby aza ny vola azony teo amin'ny assam-pivelomana nataony, na ny mpiasam-panjakana, na ny mpiasa tany amin'ny orinasa tsy miankina, na ny mpiasa tena. Nifanindry an-dàlana tamin'ireo ny tokony nanomezana vahana ny malagasy teo amin'ny sehatry ny toekarena. Fiainam-bahoaka. Tsy nanana olana teo amin'ny vidim-piaainana ny vahoaka Malagasy tamin'izany fotoana izany kanefa hita fa tsy mbola tao amin'ny olompireneena sasany izany fitiavan-tanindrazana izany ka folo taona taorian'ny 1972 dia nibahaha tao amin'ny politisiana gasy sahadys ny fitiavantena ka nanomboka nioronana ny fiainam-pirenenana teo amin'ny sehatra rehetra. 50 taona aty ariana dia tsy hita taratra intsony ny fanagasiana nandrandraina tamin'ny 1972, ka miverina amin'ny programam-pampianarana amin'ny fiteny frantsay ny eto amin'ny Firenena ary tsizarizary sy mitotongana ny fahaizan'ny ankizy ary mihoatry ny antsasamanilan'ny ankizy no tsy tafiditra an-tsekoly intsony. Atsangana ny sekoly lazaina fa manara-penitra kanefa tsy mampiova ny toe-javatra iainan'ny mpianatra na ny mpampianatra eo amin'ny fitaovana izany. Zarazainy politika ny eny amin'ny Anjerimanontolo, na ny mpampianatra na ny mpianatra na ny mpandrahara, ka tsy misy intsony ny firaisan-kina. Aorina ny hopitaly manara-penitra kanefa dia tsy misy fitaovana mifandraika amin'izany. Lazaina fa maimaimpoana ny fitsaboana kanefa dia mijaly ny tsy manam-bola fa miverim-potsiny raha mba mandeha eny amin'ireny hopitaly ireny. Eo amin'ny sehatra ny toekarena indray dia ny vahiny no manjaka ary izy ireo no tompon'ny ankamaroan'ny orinasa ka mitsipozipozy ny an'ny malagasy ary mbola takian'ny mpitondra hetra miho-pampana ihany. Bodoin'ny vahiny koa ny tany hitany fa azo anorenana na mamokatra, ka mihanahana fotosy sisina ny teratany Malagasy satria tsy mahazo rarily na mitory aza. Lasan'ny mpanambola na vahiny na teratany Malagasy ny orinasam-panjakana na ny tanim-panjakana. Firenena farany mahantre indrindra maneran-tany i Madagasikara 50 taona aty aorian'ny "fanagasiana" notakian'ny avara-pianarana tamin'izany fotoana izany. Tsy "vara-pianarana" fotosy anefy ny manodidina ny filohan'ny Repoblika amin'izao fotoana izao fa "atidoha" (cerveaux) daholo.

Andry Tsiavalona

Oniversiten'Antananarivo
Nankalaza ny hetsi-bahoaka
tamin'ny 13 may 1972

Nitsingerina omaly ny hetsi-bahoaka tamin'ny 13 may 1972, nanoherin'ny mpianatra sy ny vahoaka tamin'izany fotoana ny fanjanahantany tamin'ny endrinry vaovao nataon'ny mpanjanaka Frantsay teto amintsika. 13 may 1972 - 13 may 2022, feno 50 taona tokoaka omaly ny daty nitoloman'ireo mpianatry ny Anjerimanontolo ho an'ny fanagasiana (malgachisation), sy ny mangarahara sy famahoana na democratisation. Tafiditra tao anatin'ny fitakina teny amin'ny lapan'ny tananana Analakely ihany koa tamin'izany fotoana izany ny fanovana ny rafi-pampianarana. Nahatsapa ho teritory izy ireo, ka niroso tamin'ny fitakiana. Ny tsy fahazoana mampiasa ny teny malagasy no anisan'ny tena naharary ireo mpianatra. Toy ny isan-taona, nisy ny hetsika fankalazana ity daty ity teny amin'ny Universiten'Antananarivo. Nisy ny kabary nataon'ny filohan'ny Onivesiten'Antananarivo, narahan'ireo olona manan-kajaisan-tsokajiny. Nisy ny hetsika ara-kolontsaina naman-marihana izany, toy ny "zumba", ny hira gasy nataon'ny tarika Ramilson Besigara... Nahitana fampirantiana isan-karazany koa izany teny an-toerana, izay nentina nampahafantarana ireo mpitsidika ny momba ny hetsika tamin'ny 13 may io. Liana tamin'izao hetsika natao teny Ankatso izao ireo mpianatra amin'izao fotoana.

Isambilo



Ny hetsika momba ny 13 may 1972 teny Ankatso.

TONONKALO

Disodisokely indray

Disodisokely indray ve ny filohanay hajaina ?
Tsy indroa na hoe intelo f'efa tena tsy hay isaina.
Ny asa marika mihitsy ve no tsy dia manavanana ?
Dia ahoana ny ho fiantraikany amin'ny fomba fitantanana ?


Folo injato dia lazaina f'efa miakatra ho iray hetsy .
(Tafahoatra ny hadisoana , mampiafina lehiretsy !)

Moa ny teny izay nambara , tsy mba nisy fanomanana ?
Aza gaga raha mivaona hatramin'ny fomba fitantanana !

Disodisokely indray ve ny filohanay hajaina ?
Tsy manitsy , tsy manoro koa ireo mpanolotsaina ?
Sa mitazantazam-potsiny sy toa faly hanindrahindra,
Fa hoe "ny fisolelahana" , io no lehibe indrindra ?

...Be dia be ny antontan'isa tena hita fa tsy marina.
Tena hita ho note fena sy niniana namboamboarina.
Saingy avy any ambony moa ka dia mazâna no leferina,
Na dia hita f'efa tena hadisoa-miverimberina !

TSIMIMALO (10-05-22)



Ny tananana Soavinandriana, any amin'ny faritr'ltasy.

PRIERE AU SACRE CŒUR



Que le Sacré Cœur de Jésus
soit loué, adoré et glorifié à
travers le monde pour des
siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue. Remerciements au Sacré Cœur pour faveurs obtenues.

Tandify R.